

Lan-eskaintzen erregistroa 2023ko maiatzean

• ERREGISTRATUTAKO LAN-ESKAINZA KOPURUA

Euskal Autonomia Erkidegoko enplegu-bulegoetan 2.045 eskaintza erregistratu dira 2023ko maiatzean, apirilean baino 757 gehiago eta 2022ko maiatzean baino 238 gehiago.


• LURRALDE HISTORIKOAK

Kudeaketako Administrazio Unitatearen lurralde historikoari dagokionez, 2023ko maiatzean 231 eskaintza erregistratu dira Araban, 835 Gipuzkoan eta 979 Bizkaian. Eskaintzen % 11,3 Arabako UAGetan erregistratu dira, % 40,8 Gipuzkoan eta % 47,9 Bizkaian.

Arabaren hilabete honetan, eskaintzek % 4,5 egin dute behera (11 eskaintza gutxiago); Gipuzkoan, berriz, % 62,4 egin dute gora (321 eskaintza gehiago), eta Bizkaian, % 84 egin dute gora (447 eskaintza gehiago).

Iazko hil beraren aldean, 8 eskaintza gehiago izan dira Araban (% 3,6ko igoera) eta, igoera, batez ere, Bizkaian gertatu da, 245 eskaintza gehiago izan baitira (+ % 33,4); aitzitik, Gipuzkoan 15 eskaintza gutxiago izan dira (-% 1,8).

Eskaintzaren Lurralde Historikoa



• ESKAINTZAREN OKUPAZIOA


Okupazio-profilei dagokienez, EAEn zientzia-teknikarien profilak izan ditu eskaintza gehien: 423 eskaintza eta eskaintza guztien % 22,1. Ondoren, laguntza-teknikarien profila dago, 423 eskaintzarekin eta % 20,7ko pisuarekin. Zerbitzuen, industriaren eta kualifikatu gabekoen okupazio-profilek ere garrantzi handia dute erregistratutako eskaintzei dagokienez, erregistratutako eskaintzen bolumenaren ehunekoak % 10etik gorakoak baitira. Eskaintza gutxien erregistratu dituzten profilak zuzendaritzako eta lehen sektoreko profilak izan dira, 26 eta 11 eskaintzarekin, hurrenez hurren.

Aurreko hilabetearen aldean, gora egin du eskaintza kopuruak profil guztietan, lehen sektorean izan ezik, non eskaintza 1 jaitsi den. Gehien igo den profila, bai modu absolutuan eta baita modu erlatiboan, laguntza-teknikariena da, 221 eskaintza gehiagorekin eta % 109,4ko igoerarekin.

Urte arteko saldoari dagokionez, zerbitzu-eskaintzek (-97), kualifikatu gabekoek (-53) eta industriakoek (-25) behera egin dute; azken profil hori da ehunekotan gehien jaitsi dena (% 69,4). Aldiz, igoerarik handiena, bai kopuru absolutu zein erlatiboetan, teknikari zientifikoen eskaintzetan gertatu da, 177 eskaintza gehiago izan baitira (% 64,6ko igoera). Nabarmenezkoa da, halaber, laguntza-teknikarien profilaren eskaintzen gorakada, 155 eskaintza gehiagorekin eta % 57,8ko hazkundearekin).

• KONTRATU MOTA

Erregistratutako eskaintzen % 45,6 mugabeak izan dira, eskaintzen % 53,1 aldi baterakoak, eta gainerako % 1,3 merkataritzakoak. Kontratu mugagabeen eskaintzen ehunekoa oso handia da; berriz gaitu du % 40ko muga, eta indartu egin da kalitate handiagoko eskaintzak areagotzeko joera. Eskaintza mugagabeak 933 izan dira, aurreko hilean baino 412 gehiago (% 79,1 gehiago). Aldi baterako eskaintzak 328 gehiago izan dira, guztira 1.085; termino erlatiboetan, igoera % 43,3koa izan da. Azkenik, merkataritza-izaerako 27 eskaintza izan dira 2023ko maiatzean, aurreko hilean baino 17 gehiago.




Urte arteko saldoari dagokionez, kontratu mugagabeko eskaintzak 399tan gehitu dira (% 74,7ko igoera); aldi baterako kontratuko eskaintzak, aldiz, % 13,8 gutxitu dira, 174 eskaintza gutxiago izan baitira. Azkenik, merkataritza-izaerako 13 eskaintza gehiago erregistratu dira, 17 eskaintzatik 27ra igaroz urteko erreferentzian.

• ESKATUTAKO ESPERIENTZIA - DENBORA

2023ko apirilean erregistratutako eskaintzen % 70ek 0-6 hilabeteko esperientzia behar dute, 1.431 eskaintza guztira. Erregistratutako eskaintzen % 13,9k (285 guztira) 6-12 hilabeteko esperientzia eskatzen du. Ehuneko txikiagoak dituzte esperientzia luzeagoa eskatzen duten eskaintzek, hala nola 3 eta 5 urte artekoaldiak, % 2,7ko pisua du (55 eskaintza) eta 5 urte baino gehiago behar dituztenek; % 0,3ko pisua (7 eskaintza soilik).

Eskatutako esperientzia denbora



Hilabete arteko bilakaerari dagokionez, eskaintzek gora egin dute tarte guztietan, 5 urtetik gorako tarteetan izan ezik, 6 eskaintza gutxiago izan baitira (% 46,2 gutxiago). Igoerarik handiena, balio absolutuetan, 0 eta 6 hilabete bitarteko esperientzia-tarteetan gertatu da, 479 kontratu gehiagorekin (% 50,3 gehiago); balio erlatiboetan, berriz, igoerarik handiena 3-5 urteko esperientzia eskatzen duten eskaintzetan izan da, % 129,2 hazi baitira (24tik 55era igaro dira).


Urteko bilakaeran, eskaintzek gora egin dute tarte guztietan, 5 urte baino gehiago behar dituzten eskaintzetan izan ezik, horiek zifra bera izan baitute (7 eskaintza). Balio erlatiboetan zein absolutuetan gehien igo diren eskaintzak 1 eta 3 urte bitarteko esperientzia eskatzen dutenak izan dira (% 74,5eko igoera, 114 eskaintza gehiago).

Lan-eskaintzen erregistroa 2023ko maiatzean

Maiatzean, erregistratutako lan-eskaintzek 9 hilabeteko batez besteko esperientzia eskatu dute, apirilean baino hilabete gehiago.

• LANALDI MOTA

Analisiarekin jarraitu baino lehen, esan beharra dago ez dutela erregistratutako eskaintza guztiek zehazten zein izango den lanaldi mota: soilik eskaintzen % 17,6k zehazten du datu hori, (2.045 eskaintzetatik 355); lehengo hilean baino 4,9 puntu gehiago. 355 eskaintza horietatik, 303 lanaldi osoa eskaintzen dutenak izan dira, eta, gainontzeko 52ak, lanaldi partziala eskaini dute.



Bilakaerari dagokionez, lanaldi osoko eskaintzak 177 gehiago izan dira apirilarekin alderatuz, hau da, % 140,5 igo dira. Lanaldi partzialeko eskaintzak ere hazi egin dira; 17 eskaintza gehiago eta hazkunde erlatiboa % 48,6koa izan da.

Aurreko urteko hilabete berberarekin alderatuz, eboluzioa hurrengoa da: lanaldi osoko eskaintzak 121 gehiago izan dira (% 66,5eko gorakada), eta lanaldi partzialeko kasuan, ere hazi egin dira; 18 gehiago eta % 52,9ko gorakada.


• ALDI BATERAKO LANERAKO ENPRESAK (ABLE)

Hil honetan 135 lan eskaintza kudeatu dira ABLEn bitartez, aurreko hilean baino 119 gehiago eta aurreko urtean baino 86 gehiago.

• ESKATUTAKO PRESTAKUNTZA MAILA

Adierazle honi buruzko datuak ere ez dira beti zehazten lan-eskaintzak erregistratzeko orduan. Eskaintzen % 85,7k ez du zehazten zein den eskatutako prestakuntza maila minimoa: 2.045 eskaintzetatik 293k soilik zehaztu dute.

Eskatutako gutxieneko prestakuntza maila



293 eskaintza horietatik, 152k LH mailako prestakuntza eskatu dute; ikasketa maila honetako eskaintzak izan dira ugariak. Ondoren, unibertsitateko ikasketa maila eskatu dutenak daude; 81 izan dira apirilean. Azkenik, eta alde handiarekin, oinarrizko eta batxilergoko ikasketak eskatzen dituzten eskaintzak daude (39 eta 21 eskaintza, hurrenez hurren).

Hil arteko konparaketan, ikasketa-profil guztien eskaintzak igo dira, oinarrizkoena izan ezik, % 18,8 jaitsi baitira (9 eskaintza gutxiago). Igoerarik handiena, balio absolutuetan, LHko ikasketen profilean izan da, 56 eskaintza gehiagorekin (% 58,3ko igoera); balio erlatiboetan, aldiz, gehien

Lan-eskaintzen erregistroa 2023ko maiatzean

hazi diren eskaintzak batxilergoko ikasketak eskatzen dituztenak dira, % 162,1eko hazkundearekin (13 eskaintza gehiago).

2022ko maiatzaren aldean, igo egin dira ikasketa guztien eskaintzak, derrigorrezkoena izan ezik, 14 eskaintza gutxiago izan baitira (% 26,4 gutxiago). Balio absolutuetan zein balio erlatiboetan gehien hazi direnak LHko ikasketak behar dituzten eskaintzak dira, 61 eskaintza gehiago eta % 67ko igoera erlatiboa izan baitu.

• ESKAINTZAREN JARDUERA

EAEko enplegu-bulegoetan erregistratutako lan-eskaintzen kopuruari dagokionez, gehien nabarmentzen dena manufaktura industria da; honen pisua eskaintza guztien % 15,6koa izan da (318 eskaintza). Nabarmentzeko beste jarduera bat administratiboena izan da, eskaintzen % 15eko pisua izan baitu (306 eskaintza).

Aurreko hilabetearekin alderatuta, profil guztietan igo dira eskaintzak, energia-horniduran eta higiezin-jardueretan izan ezik, 1 eta 6 eskaintza jaitsi baitira, hurrenez hurren. Balio absolututan, administrazio-jardueren eskaintzek egin dute gora gehien, 198 eskaintza gehiagorekin (% 183,3ko igoera); balio erlatiboetan, igoerarik handiena finantza-jardueren eskaintzek izan dute, % 185,7ko igoerarekin (26 eskaintza gehiago).

Urte arteko saldoari dagokionez, ostalaritzako jaitsiera nabarmentzen da, 84 eskaintza gutxiago izan baititu (% 38,4 gutxiago), eta, ondoren, merkataritzako jaitsiera (22 eskaintza gutxiago, % 8,6ko jaitsiera). Aldiz, igoerarik handienak, balio absolutuetan, profesional zientifiko eta teknikoaren eskaintzan (+70, % 50,7 gehiago) eta manufaktura-industrian (69 eskaintza gehiago, % 26,7 gehiago) izan dira. Balio erlatiboetan, berriz, finantza-jardueren eskaintzek izan dute bilakaerarik onena: % 150eko hazkundera (24 gehiago).

Eskaintzaren jarduera

